



## Universitätsbibliothek Paderborn

**Compendivm Qvæstionvm Regvlarivm R. admodum P.  
Emanvelis Roderici Lusitani, S. T. Lectoris Prou. S. Iacobi  
Reg. Obseru. Ordin. Mino. Diffinitoris**

**Rodrigues, Manuel**

**Lvgdvni, 1621**

Mendicitas.

**urn:nbn:de:hbz:466:1-41743**

268 MENDICITAS.

& ex declarat. Greg. XII. dirimunt etiam Matrimonium. art. 6.

Et idem dicendum de professione castitatis emissâ in Ordine sancti Ioannis de Malta; non autem in aliis Ordinibus militaribus, quorum professores coniugalem dumtaxat castitatem vount, vnde solum Clericorum professio, non aliorum, Matrimonium dirimit. art. 7.

Regulares absque licentia Parochi Matrimonium solemnizantes, excommunicantur, à solo Papa absoluendi. quæst. 2. art. 1.

MENDICITAS.

Vide *Communicatio privilegiorum,*  
*Fratres Minores, Testis.*

**L**icer peregrinari mendicando  
causa maioris humilitatis & pa-  
tientiæ, etiam non facta bonorum  
renunciatione, multò magis ea fa-  
cta. tom. 3. quæst. 3. art. 1.

Nullo præcepto tenetur quis la-  
borare manibus, nisi ut vitet otium  
vitiosum, & sine villa tertij iniuria  
cum suis viuat. *ibid.*

Mendicitas Fratrum Minorum,

¶ Præ

& Prædicatorum licita est , & meritoria , modo non extendat se ad superflua conquerēda, & bonis operibus corporalem laborem recompenſat. art. 2.

Quinimò ex vi Regulæ ad ipsam mendicitatem tenentur Fratres Minorēs , cùm ob factam bonorum omnium renunciationem , hæc sola via illis supersit ad vitam tuerendam: quamuis enim iure diuino, aut naturali, aut alio quoquis modo , sacerdtales teneantur & cogi possint, etiam implorato ad hoc à Fratribus officio Iudicis ad vitæ necessaria eis subministranda pro labore , Missis, Concionibus, &c. ipsi tamen Fratres nullam inde certitudinem ciuilē habent, aut habere possunt. art. 3.

Nullo tamen præcepto ostiatim mendicare iubentur. ibid.

Mendicantes in dupli sunt differentia ; alij ex Regula, ut sunt soli Fratres Minorēs , qui proinde nihil proprij , etiam in communi, habere possunt ; alij ex constitutionibus, & his licitum est, aliquid in communi possidere. tom. 2. q. 125. art. 1.